

Ocho partido lo mester haya 586 firma como sosten pa participa den eleccion

Despues cu entregamento di lista a tuma luga, awo for di 21 te cu 29 di october ta bay tuma luga e firmamento pa sostene e lista di candidatonan politico na unda ocho partido lo tin mester di 586 firma cada un pa por continua nan caminda pa eleccion dia 6 di december.

Hubentud Treciendo Cambio (HTC), Cristiannan Uni Reforsando Potencial di Aruba (CURPA), Movimiento Indigena Arubano (MIA), Lucha pa Reforma (LPR), Union y Prosperidad pa Pueblo (UPP), Partido Patriotico di Aruba (PPA) RED Democratico y FUTURO ta partidonan politico cu no a logra un (1) asiento durante e eleccion ultimo na 2021 of a wordo funda recientemente, nan cu mester ricibi sosten di nan lista politico cu 586 firma di votadornan. Esaki ta 1% di




e votonan valido di e eleccion anterior.

Conseho Electoral Aruba como hoofdstembureau tin e poder relativo pa cu e entregamento di lista di candidatonan di partidonan politico, investigacion y determinacion di validez di e lista, numeracion y asignacion di color di e lista nan determinacion di resultado di eleccionan y tambe e preparacion

di geloofbrieven.

Firma pa sostene lista di candidatonan di partido politico por wordo haci entre 21 di October te cu 29 di October 2024 (excluyendo weekend) di 09:00AM te 8:30PM na Dependance Censo @ L.G Smith Boulevard 66 Hulpbestuurskantor Noord Hulpbestuurskantor Savaneta.



Dilauna ultimo, a tuma luga e prome conferencia di prensa di Conseho Electoral di Aruba pa asina comparti algun informacion importante relaciona cu eleccion di dia 6 di december den cual 69,824 persona ta bay tin e derecho di scoge nan candidato politico faborito e dia ey.

Pa mas informacion, bishita e website oficial di Conseho

Electoral Aruba na er.aw y sigui nan na Facebook y Instagram @consehoelectoralaruba. E plataforma nan lo sirbi como un recurso importante pa votadonan, partidonan politico y publico general, pa keda al dia cu anuncianan, fecha nan y guia relevante pa e eleccion di Aruba.

Wendrick Cicilia ta bira candidato number uno pa partido AVP; mientras lider di partido ta candidato number 29



Ayer durante e proceso di entregamento di lista un di e sorpresanan a bin di partido AVP na momento cu lider di partido Mike Eman, ken tradicionalmente ta number un riba lista di su partido, a anuncia cu AVP tin un candidato nobo riba posicion number un, ta trata di e hoben Wendrick Cicilia.

Despues di entrega lista durante su declaracionnan na prensa Sr. Eman a anuncia cu AVP tin un lijsttrekker nobo den persona di Wendrick Ci-

cilia. "Un etapa nobo pa Aruba, un etapa nobo pa AVP pa e bolter cos realmente. Nos a bolter cos pa AVP y nos ta bay bolter cos pa Aruba," Eman a expresa.

El a splica cu e decision a wordo tuma pasobra den partijraad di AVP diahuebs anochi e prome empuhe a wordo haci pa nan tin un lista di transicion y a pone Cicilia riba number dos. Pero e proceso no a cana manera cu nan tabata desea y despues di dialogo a haci e cambio aki.

Cicilia ta bira e lijsttrekker mas hoben den historia y durante su declaracionnan na prensa a expresa su emocion cu e anuncio nobo aki. "AVP tin un ekipo di balornan fuerte, di solidaridad, responsabilidad comparti y sostenibilidad. Nos ta un partido di bon comun. Nos ta kere cu gobernacion mester sirbi e bon comun, cu prosperidad di pais mester yega den cada

hogar. Nos ta e refleho di e cambio cu e pais aki merece," el a remarca.

Contestando e pregunta si e ta cla pa e responsabilidad cu e tin den su man como e candidato number uno riba lista di un di e partidonan mas grandi, el a enfatisa cu esaki ta parti di su proposito.

"E ta parti di un proposito

grandi cu creador confia mi cune. Mi no ta para mi so. Mi ta para banda di lider di partido Mike Eman, mi ta para rondona door di coleganan apasiona, coleganan cu tin amor pa nan pais, coleganan cu simplemente kier sirbi e bienestar y e bon comun di pais Aruba y esey ta yena mi cu confiansa, pasobra nos ta prepara, nos ta capacita," el a subraya.

